

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Geographia universalis**

**Ptolemaeus, Claudius  
Münster, Sebastian**

**Basileae, 1540**

Franconia

**urn:nbn:de:bsz:31-67084**



## FRANCONIA

Hæc & Francia orientalis appellatur, habetq; id nominis à Franco Sicambrorum duce, à quo & Galliæ quædam pars Francia nuncupata putatur. Cum enim circa annum Christi 326. implacabile dissidium esset natum inter Thuringos & Sueuos, uocatus à Thuringis Genebaldus dux Francorum, eorum scilicet qui tunc iuxta ostia Rheni habitabant, ut ipsis contra Sueuos auxilium ferret, uenit cum magna Francorum multitudine, datusq; est eis locus inter Thuringos & Sueuos, qui ueluti murus solidissimus hos ab illis diremerunt, sustuleruntq; dissidium. Duci Genebaldo successit Dagobertus, & tertius aut quartus ab illo fuit Gosbertus, sub quo sanctus Kylianus cōuertit Francones ad fidem Christi. Vltimus dux fuit Hetanus, in cuius defuncti locum Pipinus rex substituit sanctum Burchardum episcopum Herbipolensem, eidem & omnibus eius successoribus tradens ducatum Franconię, anno scilicet salutis 752. qui & in hunc usq; diem ducatus & episcopatus præfunt. Est autē ferè tota Franconię regio fertilis, triticum & omne frumētum legumenq; in ea satum, multo cum fœnore cultoribus restituens. Profert & optimū uinum, Alsatico nequaquam inferius. Terra ipsa pro magna parte plana est, paucos habens montes, sed plurimos colles, præsertim iuxta Moganum flu. qui mediā perlabitur regionem, & iuxta Thuberum, qui apud Sueuos natus, irrigatq; Franconię extremitate, ruit in Moganum. Syluas habet multas, & inter eas quasdā insignes, regionem ipsam quasi propugnantes, ut sunt Ottonica, Speshartica & Thuringica. Quidam annumerant & Bohemicam, à qua non procul oritur Moganus ex monte Fichtelberg, unde & alij tres profluunt amnes, Nabus, Sala & Egra. Habet Franconia duas ciuitates episcopales, Herbipolim, quę & Peapolis & Marcopolis, & uulgo Vuirtzpurum uocatur, & Babenbergam, quam uulgo Bambergā appellant. Herbipolensis episcopus dux est Franconię, non totius sed maioris partis, cum & episcopus Babenbergensis magnam habeat ditionem in ea, præsertim in Voitlandia, & similiter Marchio Brandenburgensis. In Babenbergensi agro crescit mellea illa radix, quam glycerhyfam uocāt, effoditurq; in tanta copia, ut ingentes currus ea onerati, in diuersas abducantur regiones. In confinio Franconię est sita celeberrima Nurnbergę urbs in arenoso solo, unde nihil ferè commoditatis haberi potest, nisi terra ipsa multo labore maceretur, pastinetur & stercoretur. Hinc est quod huius urbis ciues omnes exercent artificia, aut negocijs intendunt, & diuitias quas ex sterili terra eruere nequeūt, ex uarijs ingeniosisq; artificijs multo felicius cōquirunt. Anno Christi 911. sub Conrado imperatore, uel, ut alij dicunt, anno 1140. sub Henrico imperatore, erectus est Burggrauatus Nurnbergē. Et cum circa annū Christi 1275. Burggrauorum semen deficeret, rex Rudolfus, comes ab Habsburg, sororium suum Fridericum, comitem à Zollern, Burggrauatui præfecit. Et huius quoq; filius, nepos & pronepos comitatum illum possederūt. Cum autem sub imperatore Sigismundo, Marca Brandenburgē. destitueretur uirili successore, Burggrauus Nurnbergensis, Fridericus nomine, obtinuit in concilio Constantiensi, anno scilicet Christi 1417. dictam Marcam, erogata magna pecunia quam Nurnbergenses suppeditauerunt, quatenus ab illius iurisdictione liberarentur. Sicq; præter titulum inanem Burggrauus nihil iuris sibi in urbe retinuit, maiorem consequutus ditionem.



# FRANCONIA. XI. NOVA TABVLA



NOVA TABULA

Landesbibliothek  
Karlsruhe

Hanc al  
diam, & a  
& empori  
nones, no  
stas uenas  
uincias. N  
honiā &  
Soeciā &  
Sonat aut  
boli, quod  
ueteribus  
na, prefa  
na iustice  
inftar Aet  
episcopal  
fularum,  
quo habi  
rei presen  
sed tabern  
non colun  
permutat  
municato  
ma est &  
tandem f  
sonat uia  
ro est sul  
rum, frig  
cant. Ca  
tur, & qu  
ut expor  
tum est i  
tum per  
nates qu  
carybdis  
sus orier  
nullum  
plumbi,  
regia est  
empori  
& altas  
dia, bon  
Malmo  
Mediol  
landia i  
naim lo  
hoc uer  
stincta  
Ruffu